

**REUNIONNAN TECNICO  
ENTRE SINDICATO Y  
GOBIERNO: A CUMINSA  
RIBA SISTEMA NOBO DI  
EVALUACION**

**HEREDERONAN DI ANA DI  
"LA LINDA" LO ENTREGA  
KEHO CONTRA PATRICK  
PASKEL PA PAPIA DISPARATE**



Abogado mr. Canwood y Howell a apela mesora  
**Alvin Howell condena na 2 aña di prison**

**Caso di hincamento:  
Un grupo di hoben  
lo agredi y hinca  
un empleado na  
Moomba Beach**



**Muher  
Venezolana a  
sali cu boto for di  
Puerto Escondido  
pa Aruba, pero  
nunca a yega**



Un otro logro briyante!”  
**DESDE AÑA 2024, E STUDIAANTENAN LO RICIBI NAN  
BSN NUMMER NA ARUBA PROME CU NAN BIAHA**





# Curator Jeanot De Cuba ta exigí herederonan di La Linda pa renuncianan herencia

Segun herederonan di La Linda, tin cosnan incorrecto tumando lugar desde masha hopi tempo cu e herencia di La Linda. E herederonan ta na corte, unda den pasado huez a apunta un curator pa atende cu e herencia.

Segun una reuda di prensa yama pa dos herederdo di La Linda, nan ta bisa cu Jeanot de Cuba regularmente kier forsa dos herederdo pa tuma distancia di loke nan mester haya.


Ultimo a wordo yama un caso den corte pa trata esaki, unda e herederonan lo no acepta pa nan desisti na loke ta toka nan.

Segun e herederonan, e sistema na Aruba a bira un cartel di husticia, unda abogadonan ta fiesta cu placa di La Linda, pasobra pa cada caso nan ta cobra, while e herederonan mes cu mester haya loke a keda atras pa nan, ta looking con e placa ta somenta den saco di abogadonan. A ser menciona cu na gasto,



Abogado Jeanot de Cuba a lanta 1.7 millones de florines, pa cual nan ta exigí pe duna cuenta, cual a pasa cu e placa. nunca e kier duna cuenta ta kico

## Pakete sospechoso haya riba beach, tuma den beslag pa mas investigacion



Boca Grandi, Grapefield: Diasabra den oranan laat di atardi, algun personal tabata canando riba e beach na Grapefield y aki

pa nan sorpresa nan a bin topa cu un of mas pakete sospechoso cu a spoel aan riba e beach. Nan no a confia esaki y a avisa

polis.

Mesora algun patruya di polis a bay direccion di Grapefield pa bay check si

por ta trata di paketenan di droga. Unidad di K9 di polis tambe a bay na e sitio y a cuminsa cu un buskeda extenso riba e beach pa mira si por topa cu mas di e paketenan aki.

Autoridad a confisca e pakete haya riba beach y a wordo entrega den man di e departamento di polis concerni pa haci mas investigacion.



### Anuncio

#### Hulpbestuurskantoren ta cera riba 27 maart 2023

Hulpbestuurskantoren (HBK) ta anuncia cu nan ta cera riba dialuna 27 di maart 2023 en conexion cu continuacion di e software –upgrade den nan core system ICT.

Nos disculpa pa cualkier inconveniencia cu esaki por causa.



# Herederonan di Ana di "La Linda" lo entrega keho contra Patrick Paskel pa papia dispare

Diabierna mainta, herederonan di Sra. Ana (dfm) de La Linda a tene un reuda di prensa. Un di nan promer puntonan treci dilanti te hecho cu nan lo bay polis pa entrega keho contra di Patrick Paskel, kende diahuebs o diaranson siman pasa a papia un serie di cosnan incorrecto den su programa, sin cu e tin informacion o conocimiento di e case.

"schoenmaker, hou je aan je leest". Bo no ta hurista, bo no ta abogado, bo no ta familia. Ora famia tene una rueda de prensa, bo mester duna informacion loke e famia trece, no loke bo kier. Bo ta papiando tonterías. Patrick Paskel, bo a usa number di hende, bo a difama hende, sin ningun argumento. Pe motibo aki un keho lo wordo entrega contra bo persona.

E herederonan den forma categorico a rechasa loke Patrick Paskel a papia riba nan herencia di La Linda. Sra. Britten a bisa:

Manera ta conoci, herederonan di La Linda tin años den corte ta luchando pa por haya nan herencia y relaciona cu esaki, Patrick Paskel,



sin ningun conocimiento di e caso, a duna comentarionan y hinca esta di mete cu e famia y nan asuntoan.

## Masha poca noticia di polis y 'live' den ultimo dianan; casualidad o realidad?



Ta basta remarcabel cu un website cu ta "prome den noticia", pa mas di un siman largo no tin casi ningun noticia, ningun live, di noticianan di polis. Ta parce cu e antena a paga ye radio a keda riba

silencio. Anteriormente ta cada rato tin cualke noticia di polis unda te hasta ta yega prome cu polis, prome cu ambulance y prome cu brandweer. Ta coincidencia de realidad?

Ta coincidencia cu siman pasa a detene un polis ya tene un inval den cas di e polis, unda aparentemente a haya full un centro di comunicacion sofistica, unda radio di polis tabata connect na sistemanan di

press cu tabata traha way 'repeater'. Desde siman pasa di inval, por constata cu website a bay plat tambe. ¿Considencia de realidad? No ta promer ves cu e grupo aki a haya nan

envolvi cu husticia, unda e tempo aya nan mes a basha abao con e cos tabata hinca den otro, y te hasta unda un polis a perde su trabao. Parce cu e storia ta ripiti atrobe?



## Minister Endy Croes: Un otro logro briyante!”

# DESDE AÑA 2024, E STUDIANTENAN LO RICIBI NAN BSN NUMMER NA ARUBA PROME CU NAN BIAHA

Minister di Enseñansa y Deporte Endy Croes ta elabora riba un otro logro grandi pa nos studiantenan. Esaki ta trata di e anuncio oficial haci door di Staatssecretaris Alexandra Van Huffelen diabierna ultimo.

### Kico ta BSN nummer?

BSN ta para pa Burger Service Nummer. Esaki ta un persoonsnummer special cu cada ciudadano na Hulanda tin pa nan contacto cu entre otro. Departamento di Gobierno, manera seguro y salubridad. Pero tambe bo mester tin un BSN nummer pa inscribi pa un camber (kamer) como estudiante y pa habri un cuenta di banco pa pidi un seguro. Pa por logra haya un BSN nummer, e estudiante mester inscribi prome den e registro basico, esta Basisregistratie Personen (BRP). Eigenlijk, pa inscribi den e (BRP) pa nan por bin na remarke pa haya e BSN nummer, nan mester tin un adres cu nan ta biba na Hulanda. Esaki ta e dolor di cabes di mas grandi cu ta complica tur cos. Pues, ta hopi notabel e dificultadnan cu nos studiantenan ta pasa aden den comparacion cu studiantenan Europeo, cu tin esaki mucho mas facil. Asina e propio rapport di e Nationale Ombudsman a ilustra. September en bes di acudi na scol, e studiantenan ta bezig ainda haciendo buelta y ta cay hopi atras cu nan estudio. Nivel di stress ta aumenta y hasta tin ta cay den depresion.

### Rapport di Ombudsman di december 2020 a sacudi Hulanda:

Nationale Ombudsman Den Haag a laga haci un investigacion



grandi riba e tema aki y dia 16 di december 2020 a produci un rapport hopi amplio di 86 pagina bou di e nomber "Dolor di cabes di studiantenan karibense". Un total di 624 estudiante a participa na e investigacion aki. Esaki a yuda bira un "eye-opener" pa politica na Den Haag.

### Minister Endy Croes y Parlamentario Shailiny Tromp-Lee a bringa pa esaki

Tanto riba nivel di Vierlandenoverleg, pero tambe riba nivel di IPKO a duna masha hopi atencion na e rapport aki. Sigur e rapport a conduci pa Hulanda pone mucho mas atencion na e studiantenan di nos area cu no ta wordo trata igual cu e studiantenan Europeo y cu inhustamente ta trece un nivel di stress hopi halto pa nos studiantenan cu ta cay hopi atras


den nan estudio. Minister Endy Croesatrecesakirepetitivamente durante e Vierlandenoverleg tanto na maart 2022 y januari 2023. Parlamentario Shailiny Tromp Lee, igualmente a lucha pa esaki durante e reunionnan di IPKO. Finalmente, esaki a duna resultado unda gobierno Hulandes a haci e ahustenan necesario pa e studiantenan di nos area Caribense ricibi desde aña 2024 en adelante nan BSN nummer prome cu subi avion.

### Staatssecretaris Alexandra van Huffelen a publica diabierna ultimo:

Un dolor di cabes menos pa nos studiantenan Caribense. E studiantenan aki lo ricibi desde aña 2024 en adelante nan BSN nummer prome cu nan biaha pa Hulanda. Esaki lo wordo coordina y regla via Dienst Uitvoering

Onderwijs (DUO). DUO ta den preparacion pa amplia su servicio desde aña 2024 pa por brinda e servicio adicional aki. Pues, desde aña 2024 en adelante e studiantenan por aplica via DUO pa nan BSN nummer hopi trempan y asina por logra biaha cu nan BSN nummer den man, cual lo facilita nan trabou masha hopi manera nan yega Hulanda. Pocopoco, pero sigur nos ta logrando pa regla hopi "struikelblok" y facilita e proceso di e studiantenan pa nan por ta exitoso. Danki na tur cu a bringa pa por a logra esaki. Danki sigur na Hulanda tambe pa a coopera den e proceso y hunto nos a logra algo grandi pa nos studiantenan. Pabien studiantenan!

Lees hoe u aan een BSN komt als u in het buitenland woont op [Nederlandwereldwijd.nl](http://Nederlandwereldwijd.nl)





# Cartel di corrupcion denuncia na Aruba Jeanot de Cuba a bende Dokter Jagua edificio di La Linda, prome cu huez a dicta sentencia

Curator Jeanot de Cuba ta bin cu tur sorto di storia, segun herederonan di La Linda. Herederonan tin masha problema cu "triki y trampe" di husticia. Ora reces di corte a termina na Januari, herederonan a puntra ki dia e caso ta bay dor.

Corte a bisa cu e caso lo sigui dia 15 februi 2023. Sorpresivamente dia 26 januari 2023, Sra. Linda Wix, a trece sentencia di huez, indicando cu e herederonan a wordo deshereda.

Pues, tur fecha ta wordo cambia,

unda hueznan ta yama caso di un dia pa otro, sin anticipacion. Colmo de los colmos ta: A investiga y a bin descubri cu Jeanto de Cuba, dia 22 december 2022, a bende un propiedad, Care Real Estate, na Caya Punta Brabo, cu Dokter Jagua.

E propiedad ta di e herederonan di Ana. E colmo ta, ta bende e lugar dia 22 december.

E sentencia ta sali dia 26 di Januari 2023. Ki corrupcion tin na Aruba?



Minister Dangui Oduber

## PROYECTO DI BABY BEACH TA KEDANDO CLA



Nos playanan na San Nicolas ta sigui conoce desaroyonan positivo. Minister di Turismo y Salud Publico sr. Dangui Oduber ta comparti cu trabounan na proyecto di Baby Beach ta avansando den gran forma. Un proyecto hopi importante cu ta forma parti di henter e masterplan cu tin den cuadro di e desaroyo hotelero den e area aki.

Actualmente Fase 2 di e proyecto di Baby Beach ta den pleno ehecucion. Por a tuma nota cu ya caba e

banchinan pa basha tey caba pa e construccion di e parking lot. Segun informe pa otro siman lo bay asfalta esaki. E trapi cu tin na Baby Beach tambe ta den su fase di renobacion y falta di construi e muraya nobo ainda di e trapi. E proyecto di Baby Beach Fase 2 ta acapara un area di 6000 m2.

Tur e proyectonan aki ta bay percura pa eleva henter e area rond di e playanan aki teniendo na cuenta e importancia di conserva nos naturalesa,

creando asina un desaroyo di embeyesimento di e area na un manera sostenibel.


Minister Oduber ta contento di mira con e proyecto ta desaroyando. Si tur cos sigui segun plan, Fase 2 di e proyecto mester wordo entrega den luna di april.

Minister Oduber a demostra cu accionan concreto y cu plannan con ta percurando pa upgrade producto Aruba. Manera ta ser bisa: "actions speak louder than words"





# Accidente entre 3 auto; diasabra mey anochi



Tanki Leendert - Diasabra mey anochi polis a bay poco pabou di Citgo Tanki Leendert, pa un accidente cu hende herida.

Na yegada di patruya di Playa tegenover di un supermercado tres auto, nan tawata esunnan

envolvi den e accidente.

E prome vehiculo tawata un Hyundai, cu segun informacion na e sitio ta esun cu a dal tras di un Toyota Vitz cu na su turno a bay dal un Nissan Tiida.

Por a mira cu e Hyundai

cu a keda para cerca di e crusada ta esun cu a kibra mas.

Ambulance a wordo pidi pa chauffeur di e Toyota Vitz, na yegada Paramediconan a bay atende cu ne.



# Herederonan lo acudi na Ministerio Publico pa fraude di Jeanot de Cuba

## Jeanot de Cuba a coy accionnan di Haime Hochman, hinke den pertenencia di Sra. Ana (dfm)



Herederonan di Sra. Ana di La Linda a sigui expresa nan critica fuerte contra Abogado Jeanot de Cuba. Jenaot de Cuba a coy 1.7 miyon florin di e compnia di West Indisch. Jeanot a coy accionnan di Haime, hinke den pertencianan di Sra. Ana. Haime tabatin su



accionnan cu el'a cumpra for di Ana, pero Jeanot ta mix up tur cos den otro.

Herederonan ta sumamente decepciona cu e forma di proceder di e curator, cu ta gasta

placa di La Linda sin por duna cuenta.

Ta pidi Jeanot De Cuba, pe entrega tur cos bek cu el'a bende na Dokter Jagua, pasobra e edificio ey no ta di dje. E caso lo bay sigui. Nan ta considera

esaki ladronicia. Ta saca un sentencia 26 di Januari 2023, pero ja dia 22 di december 2022 a bende propiedad.

Esaki lo bay ministerio publico tambe.

## Muher Venezolana a sali cu boto for di Puerto Escondido pa Aruba, pero nunca a yega

Mayornan di Yohana Salazar di nacionalidad Venezolano di 40 aña di edad, ta preocupa pa e hecho cu nan no sa paradero di nan yiu. Dia 22 di maart ultimo pa 6or di mainta Johana a sali for di Puerto Escondido direccion pa Aruba cu boto y te na e momentonan aki nan no tin informacion di dje.

Famianan ta pensa cu e por a bira victima

di baho mundo. Nan ta pidi na autoridad y comunidad en general pa si tin algun informacion di Salazar tuma contacto na e number di telefon +58 414 176 5463.

Johana Salazar no ta desconci na Aruba. El'a sali den un lancha, cu 6 hende homber. Parce e 6 hendenan homber si a yega Aruba, pero e dama no!





## Minister Endy Croes:

# UNIVERSITY OF CENTRAL FLORIDA A BIRA UN REALIDAD CU LO BRINDA OPORTUNIDAD NA NOS STUDIANTENAN

## Un logro y un deal briyante!



Minister di Enseñansa y Deporte Endy Croes acompaña pa Minister Plenipotenciario Joselin Croes a realisa siman pasa un biahe di trabou pa estado di Florida, unda a bishita varios universidad y a logra firma dos (2) MoU hopi interesante.

MoU cu University of Central Florida Negociacion pa logra un MoU cu un universidad di e magnitud aki a tuma basta luna y nos ta contento y agradecido pa por a logra esaki. Un palabra di gratitud na Minister Plenipotenciario Joselin Croes, Consul General di Hulanda na Miami Ruth Emmerink. Pero sigur tambe na Sergio Ponce Cordova "Assistant Director", kende tabata un motor pa keda pusha pa nos por a logra esaki. Alabes, danki na "Vice Provest" y "Vice President Academic Affairs" Timothy Letzring, kende a firma e MoU. Na henter su team cu a traha riba esaki. E recepcion tabata uno fantastico cu un bunita ceremonia prepara specialmente pa e ocasion aki.

Aruba a wordo reconoci riba lista di LAC, cual a haci esaki posibel LAC ta para pa Latin American and Caribbean

Scholarship y ta cay bou "Florida State regulation" 7.007. Antes Aruba no tabata riba e lista di e paisnan cu por ricibi e beca (scholarship) aki. Despues di hopi trabou, a logra cu Aruba tambe a wordo agrega riba e lista aki y ta forma awo un total di 50 pais cu ta reconoci, unda nan studiantenan por yega na e fondonan aki. Scholarship LAC cu e universidad ta duna, mester ta conforme e acto di Estado General cu ta wordo duna na e universidadnan bou di seccion di inversion 1011.43, statutonnan di Florida of di fondonan pa beca, autorisa pa Gobierno Federal. E universidadnan por haci uzo di e fondonan di sector priva, fundacionnan priva y/of agencianan publico tanten cu ta "match" e fondonan aki. Den e deal aki y di acuerdo cu e ley cu ta rigi pa estado di Florida, e estudiante lo ricibi e suma minimo cu ta exige pa ley di e estado, esta 500 dollar pa simester (1000 dollar pa año) for di University of Central Florida. Ricibiendo e suma aki cash for di e universidad ta haci posibel pa e estudiante por aplica pa e LAC Scholarship. Esaki consecuentemente ta significa cu e estudiante lo paga e "in state tuition"



en bes di e "international tuition". Kico esaki ta significa? Cu en bes e estudiante paga un averahe di 28.658 dollar pa año pa e "international tuition fee", e estudiante mester paga awo 6.380 dollar pa año como "local tuition fee" of tambe yama "in state tuition" y ta haya 1000 dollar cash pa año escolar di e universidad.

### Deal cu UCF:

Nos a logra un acuerdo, unda (5) estudiante lo wordo selecta pa UCF. E logro aki ta valido desde año 2023 y ta firma pa (3) año consecutivo.

Pues, 15 estudiante den e proximo (3) añanan lo ricibi e privilegio aki pa ful nan (4) año di estudio. Posibilidad ta existi pa revisa e MuO na caminda, unda kisas por amplia esaki. Studiantenan cu wordo selecta mester mantene un GPA (Grade Point Average) di minimo 3.0, alabes mester tin nan estado di imigracion actualisa na tur momento y cumpli cu artikkel 7.007 di e LAC Scholarship. Esaki ta un beca di tempo completo (fulltime scholarship).

UCF ta un universidad grandi cu hopi posibilidad: University of Central

Florida tin alrededor di 70 mil estudiante na diferente campus y ta ofrece un diversidad masha extenso di 240 estudio (opleiding). Finalisando, ta gradici tur esnan cu a traha duro pa hunto nos logra un tremendo deal cu University of Central Florida (UCF). Mesun momento kier encurasha e studiantenan interesa pa cuminsa aplica na UCF y asina keda registra, nan por aplica mesora pa e LAC Scholarship riba e portal web di UCF. Esaki ta oportunidadnan briyante pa futuro di nos studiantenan y cu ta hopi mas cerca di cas. Pabien Aruba!



## Abogado mr. Canwood y Howell a apela mesora

# Alvin Howell condena na 2 aña di prison

Awe merdia 1'or den sala di Corte di Husticia, un Hues di Curacao a bin Aruba pa dicta sentencia den e caso penal cu Ministerio Publico a cuminsa contra Alvin Howell y Jaqueline van Putten .

SOLO DI PUEBLO por a compronde cu Howell no ta di acuerdo cu e sentencia y di biaha, hunto cu su abogado mr. Canwood a apela.

Den sala di Corte por a mira basta hende presente. Ta asina cu Howell a presenta cu su abogado mr. Canwood. Abogado mr. Arendsz Marchena a presenta y informa cu su cliente van Putten ta malo.

### HOWELL

Hues a bisa cu como lider di partido POR y como parlamentario, Howell tabata haya placa di Gobierno pa su fraccion. For di cuenta di POR sumanan tabata wordo poni riba cuenta di Howell.

Hues a bisa cu mas cu 195 mil florin, Howell a haya di Stichting Hunto Nos Por di partido POR. Segun Howell a usa placa pa paga na esnan cu mester a paga. Hues a bisa cu e ta declara Howell liber riba e acusacion di falsifica factura di E Arubiano. Tambe Hues a declara Howell liber di falsificacion di factura di Leticia Maduro. Na opinion di Hues, Howell no tabata sa cu van Putten a traha un factura falso pa fundacion.

Pa loke ta e punto di bista di defensa mr. Canwood cu mester declara Howell liber di e acusacion di lo a traha facturación falso pa pago di Fonso Advisory, Hues a rechaza esaki. Howell lo tabata paga su tata 3 mil florin pa luna pa conseho. Su tata lo tin Fonso Advisory. Hues a muestra cu 56.650 florin a bay di e fundacion pa paga Howell pa pago cu el a haci na Fonso Advisory. Hues no ta haya cu esakinan ta pagonan na Howell door cu Howell lo a paga. El a muestra cu investigacion ta muestra cu Fonso Advisory no ta inscribi na Camara di Comercio y tampoco na Belasting. Hues a sigui bisa cu tata di Howell a fayece y no a haya ningun prueba cu el a haci conseho na Howell. Na opinion di Hues, e descripcion riba factura di "legal advice" no ta cuadra pasobra e tata no tabata jurista. El a sigui bisa cu no tin facturación cu ta muestra cu pa luna tabata paga e tata di Howell 3 mil florin. Hues ta haya cu Howell a purba sconde su practica. El a muestra cu tin cambio haci riba factura cu ta di October 2020 a cambia pa October 2019.

Hues a sigui bisa cu e no ta kere defensa di Howell y ta haya legalmente proba acusacionnan. El a muestra cu Blue Is Love Foundation no tabata existi mas y e placa cu a manda paga no ta posibel. Tambe Hues a muestra cu Who Is Next Rij School tambe tin cosnan cu no ta corecto. E fundacion a paga



Who Is Next Rij School cual no ta corecto. E facturación no ta cuadra.

Hues a rechaza varios defensa di mr. Canwood di Howell. Hues a muestra cu el a rechaza e defensa cu mester declara Howell liber di e cuestion malversacion E Arubiano. E abogado a bisa cu Howell a haci denuncia contra F.B. pa duna declaracion falso.

Hues a bisa cu e ta haya declaracionnan di F.B. confiabel y ta usa nan como prueba. Hues ta haya cu Howell no por splica di con e fundacion mes no tabata paga E Arubiano sino cu ta door di Howell mes e tabata wordo paga cash. Tin facturación di F.B. manda pa fundacion y cu no a haya pago. Hues a bisa cu e dos raportnan di accountant di Howell cu ta muestra cu tur cos ta corecto, ta wordo rechaza.

### VAN PUTTEN

Pa loke ta van Putten, Hues a bisa cu e no ta haya proba cu a falsifica facturación y a declara van Putten liber di e acusacion aki. Na opinion di Hues, no tabata van Putten su intension di falsifica factura pa malversa. E tabata haya facturación di Howell y laga fundacion paga. Como tesorero e no tabata sa cu Howell tabata falsifica facturación y tabata confia Howell. Na opinion di Hues, esaki ta muestra cu van Putten no tabata haci falsificacion intencional.

Hues ta haya proba e bonus di Sinterklaas, caminda a malversa 11 mil florin di e fundacion di cual 1 mil florin tabata pa van Putten y 10 mil florin tabata pa Howell. Hues a bisa cu ta riba instruccion di Howell, van Putten a traha un factura falso pa haya e placa. El a remarca cu esaki no tabata un joke manera Howell y van Putter a bisa sino algo serio.

Hues a conclui cu van Putten tabata complice

di malversacion 1 biaha y Howell mas biaha haci.

### CASTIGO

Hues a bisa cu e ta tene cuenta cu ta 195.404 florin a wordo malversa di fundacion di partido cu ta liga na Gobierno. Hues ta haya cu Howell a mal usa su posicion pa sirbi su mes. Hues ta haya cu Howell a tacha e confianza cu pueblo mester tin den politico cu nan a vota p'e pa ta den Parlamento. Na opinion di Hues, como ex agente di Polis, e ta tuma Howell na malo. El a bisa cu Howell ta desmenti di ta culpable. Hues ta haya cu esaki ta muestra cu Howell no ta mira cu el a haci malo.

Hues a bisa cu e ta tene cuenta cu ta promer biaha cu Howell ta cay den man di husticia. Hues a condena Howell na 2 aña di prison di cual 6 luna ta condicional cu un tempo di prueba di 3 aña. Tambe Hues a impone un multa pa Howell di 35 mil florin y si no paga esaki e lo mester bay 120 dia sera. Tambe Hues a bisa cu 15 mil florin cu a confisca di Howell ta keda confisca.

Hues a bisa cu e ta haya cu van Putten a malversa 11 mil florin di fundacion. E ta haya cu van Putten a mal usa su posicion como tesorero di fundacion di partido politico. Hues a condena van Putten na 1mil florin di boet y si no paga 20 dia sera. Tambe Hues a condena van Putten na 120 ora di trabao condicional.

### HOWELL A APELA DI BIAHA

Den combersacion cu abogado mr. Canwood, por a compronde cu nan no ta di acuerdo cu e sentencia y a apela di biaha. Esey ta nifica cu awor Corte Superior lo bay trata e caso. Tres Hues lo bay evalua e caso completo den Corte Superior.



# Prome Minister Evelyn Wever-Croes: Na e conferencia di awa na Nacionnan Uni Aruba ta marca historia, **PROME MINISTER TA E PROME ARUBIANO CU A PRECIDI REUNION COMO PRESIDENTE** Un momento pa etala Aruba riba e tarima internacional



Un biaha mas, Aruba su nomber a subi tarima internacional y e biaha aki marcando historia na momento cu Prome Minister Evelyn Wever-Croes a wordo guia na e centro di e sala di Asamblea General na Nacionnan Uni pa precidi e reunion y asina tambe clausura e UN 2023 Water Conference na New York. Esaki ta e prome biaha den historia cu un Arubiano ta precidi un reunion na Nacionnan Uni como presidente, Presidencia Ex officio. Y e honor aki a toca un hende muhe di nos pais, nos Prome Minister Evelyn Wever-Croes.

Siman pasa, Prome Minister y Minister Ursell Arends a representa Aruba dignamente na e UN 2023 Water Conference na New York. Aruba a resalta un biaha mas internacionalmente.

Prome Minister a remarca cu na

Aruba nos ta riba e bon caminda cu hopi cos bon caba pero ainda tin hopi trabou pa haci. Prome Minister a expresa cu el a siña hopi di e conferencia aki. Principalmente e conferencia ta conscientisa cu tin mester di sigui traha pa garantiza cu tur hende na Aruba por tin e bon calidad di awa pa bebe y ta accesibel na un prijs cu tur hende por paga. Tambe Aruba mester traha riba RWZI (oolwaterzuiveringsinstallatie) pa asina hopi lihe yega na un solucion pa esaki. Proteccion y cuida di nos oceano, bida den lama y e coralnan, ta un otro reto cu mester tene cuenta cu ne pa asina nos por garantiza e estabilidad di nos pilar economico, nos turismo.

“Hopi a wordo papia. Pero awo ta e momento pa accion. Aruba ta riba e bon caminda pero tin trabounan cu ainda mester wordo

haci”, Prome Minister a enfatiza.

Prome Minister Evelyn Wever-Croes: “Mi ta mira bek atras riba un conferencia hopi intensivo, hopi trabou y cansacio, pero mi ta sumamente satisfecho con esaki a

bay. Y ta keda nos pa sigui cu tur e trabounan cu nos tin mester di haci pa Aruba. Mi ta contento di conta cu partners y hendenan cu ta interesa pa yuda nos soluciona e problemanan pa Aruba”.



## Prome Minister Evelyn Wever-Croes: Minister President Evelyn Wever-Croes y Minister Dangui Oduber ta na Jacksonville

# LO FIRMA MOU CU PUERTO DI JACKSONVILLE PA RUTA NOBO DI CARGO PA ARUBA Y asina baha costo di bida y crea mas desaroyo economico

Prome Minister Evelyn Wever-Croes y Minister Dangui Oduber ta na Jacksonville, Florida pa reuni cu ehecutivonan di Jaxport pa firma un MoU cu Jaxport como partner strategico pa Aruba den desaroyo economico.

Jaxport ta interesante pasobra e ta e puerto mas grandi di container di Florida. Cu esaki Aruba y Jaxport lo explora rutan nobo pa cargo entre Aruba y Merca, y mester bisa, menos costoso cu e ta awor. Esaki lo fortifica e terminal di cargo di Aruba tambe.

LNG  
Y local ta haci e

partnership nobo aki mas interesante ta cu por ofrece na servicionan di LNG na cruceronan, cu por crea un ruta nobo di crucero entre Jacksonville y Aruba.

Prome Minister Wever-Croes tabata na New York siman pasa y a pasa Jacksonville na caminda pa Aruba, y lo ta bek diamars. Minister Dangui Oduber lo atende e demas compromisonan e siman aki na Jacksonville pa concretisa e palabracionnan.

“Cu esaki, nos ta crea oportunidadnan nobo pa Aruba, cu por baha costo di bida y por crea mas



desaroyo economico”, Prome Minister a expresa.

## Pueblo ta exigí claridad riba e robo di 21 mion florin den RDA; Ministerio Publico mester actua

Ta for di algun aña caba cu Gobierno di Aruba a entrega e keho riba RDA, unda Parrido AVP a permiti pa 21 mion florin di pueblo wordo horta, y somenta den saco di personahenan liga n'e partido.

Den tur e escandalo, tin proyectonan fantasma di Algen cu a costa nos 4 mion, sin funciona! Nan tabata sakia placa di pais Aruba via RDA, sin ningun administracion. Trahadornan di proyecto di Algen, Tabata declara su horario di trabao telefonicamente.

Companionan di Patrick Paskel a haya placa sin contract firma. Otro compania a huur generator pa 25 mil pa luna. Otro compania a haci limpieza pa sumanan exegera totalmente. Compania di computer liga na de Meza tabata cobra pa tur sorti di IT netwerk. Tabata paga compania Venezolano na Miami pa informacion secreto di Chavismo. A laga instala camera di seguridad na costa. A laga traha un video pa 99 mil. Wel wel, un rotsooi totalmente. Richard Arends cu multiple contract y a



actua como middleman di compania internacional pe cobra comicion.

Ta spera y ta exigí husticia pa haci nan trabao cu tur

cu a enriquece nan mes cu placa di pueblo.



## Secretario General di MEP: Ora Berguensa a caba!”

### FISCAL DEN CORTE DEN CASO DI BENNY SEVINGER DI AVP “GULLE GIFT IN BROEKZAK VAN DE MINISTER”

Mientras e lunanan ta bay pasando mas y mas april ta acercando. April ta e luna cu e veredicto riba un otro ex-minister di AVP, esta Benny Sevinger, e “masterpiece” y sospechoso principal den caso di Avestruz lo cay. Manera ta conoci, Mike Eman a pone Benny riba lista apesar cu e tabata sospechoso sintando den KIA. Mientras fiscalnan a presenta e caso den corte den e lunanan di october te cu december 2022 ta toca turno na hues pa bini awo cu un veredicto. Kico Benny y AVP lo haci asina cu e veredicto aki bira conoci? Tuma honor na bo mes? Tempo lo muestra!

E caso di corrupcion di mas grandi den historia di Aruba:

Caso Avestruz conoce un total di 22 mil pagina di investigacion. Un caso cu por wordo compara cu mafia organisa. Na un manera incomprendibel Benny Sevinger a uza aparato gubernamental pa enrikece su mes y amigonan rond di dje. Asina e rekisitorio (requisitoir) di fiscal a ilustra momento cu e fiscalnan publicamente a lesa esaki den corte. Literalmente ta para den e rekisitorio: “Onderzoek Avestrus is een cocktail van het bovenstaande. Een prominent toenmalig minister die vanuit zijn positie zijn vrienden “STINKEND RIJK” heeft laten worden. Zonder dat zij hier enige inspanningen voor hoefden te verrichten. Zij hebben alleen een luisterend oor bij minister Sevinger moeten regelen. Zijn hand om een stempel en zijn handtekening te zetten. Wat daarvoor nodig was, was een gulle

gift in de broekzak van minister Sevinger.” Pues, literalmente esaki ta skirbi den e rekisitorio como resultado di e investigacion y a wordo lesa den corte pa fiscal. Prohibi pa lubida!

#### Fiscal desmantela e banda criminal di AVP:

Fiscal a confronta Benny “himself” cu un pago di un fiesta pa su propio yui den Holiday Inn, unda Holiday inn (amigo di Benny) a paga \$ 8000 na bebida pa e fiesta aki. Tambe fiscal a prueba con Benny a ricibi regalo di su “bestfriend” y empleado di su bureau, esta Susebeek. Durante investigacion nan a confronta Benny cu un pago haci na Fantastic Gardens Aruba di Afl. 25.201,64 pa hardin di su propio hogar. Benny a reacciona bisando: “Ik heb dit zelf bij Fantastic Garden contant betaald”. Despues nan a confronta Benny cu diferente cheque (transferencia) di Pats Development N.V. cu ta un compania di Susebeek cu a paga e suma aki na Fantastic Gardens. Benny a bira bleek bleek y a cambia ful su declaracion. Aki Benny a inventa e storia cu e no ta corda mucho bon pero el a duna Susebeek e Afl. 25.201,64 cash pa Susebeek bay pag’e p’e y posiblemente Susebeek lo a pag’e for di su compania. Asina por a gara Benny ta gaña diferente biaha y no por a saca su curpa. Investigacion a comproba cu Susebeek a paga Afl. 100.000,- pa comberti Benny su cas den un hogar bunita. Susebeek a cumpra un ekipo di gym na balor di Afl. 23.000,- pa Benny. Tambe, Susebeek a paga ful un cura di cas pa



Benny Sevinger na balor di Afl.22.000,-. Fiscal den su rekisitorio a pone: “Verdachten Sevinger en Susebeek zitten hier te liegen”. Pues, nan no sa con pa saca nan curpa afo. Sin embargo, Susebeek ta padraso di Gerlien Croes y kisas pa e motibo aki nunca Gerlien kier cuestiona e caso Avestruz di Benny Sevinger y Susebeek? Pero si kier ataca Edison Briesen riba algo cu Gerlien no tin rason? Awo nan cu nan na pleito den nan partido. Dime con quién andas y te diré quién eres!

#### Susebeek, amigo di Benny a ricibi 6 cancha di futbol na tereno?

Susebeek, amigo y empleado den bureau di Benny a ricibi total 15.141m<sup>2</sup> na tereno comercial na Prime Location, 1.829m<sup>2</sup> na tereno pa traha 3 cas na Esmeralda (Noord), alabes 11.000m<sup>2</sup> di

huurgrond na Jaburibari banda di finca di Henny Eman pa un total di 28.000m<sup>2</sup> di tereno, cual ta igual cu 6 cancha di futbol. Pa pueblo por imagina e grandura, imagina e veldnan di futbol di Stadion Frans Figaroa, Stadion Guillermo Prospero Trinidad Dakota, RCA, Nacional, Estrella, Bubali hunto. Pues un total di 6 veld di futbol na tereno pa un solo amigo, unda masha hopi placa a core. Banda di esaki Ministerio


Publico a haya un cuenta di Susebeek na Orca Bank Curaçao cu 2.4 miyon florin cash money riba dje. E cuenta aki actualmente tin beslag riba dje. Pues, esaki ta un pida chikito di e caso miyonario y historico di corrupcion di Benny Sevinger y AVP. Esaki Gerlien Croes tin bon brasa y ta muisstil riba dje. Susebeek ta padraso di Gerlien Croes. Prohibi pa lubida y nos lo t’ey pa keda recorda pueblo cu AVP 1 y AVP 2, nunca pero nunca mas!

**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
☎ 585-9500



# Pa dos ora largo a sigui e simulacro presenta pa BRA Hospital a participa den e tsunami training nacional



Riba 23 di maart pa exactmente 10.14 di mainta a drenta un melding di Bureau Rampenbestrijding Aruba (BRA) cerca e team di crisis di Horacio Oduber Hospital (HOH) unda cu ta anuncia Tsunami warning pa Aruba. Esaki tabata e

di 12 simulacro regional di tsunami Caribe Wave y importante pa bisa ta cu Aruba a participa semper na tur e Caribe Wavenan cu a tuma luga e ultimo añanan y sin duda Hospital cu tin un rol asina importante den nos comunidad ta forma



un parti crucial den e simulacro aki. Mayoria di colega na HOH a participa y pues solamente esnan cu tabatin deber cu pashent e momento ey a sigui brinda cuidu y participacion asina ta sigur di aplaudi.

E meta di e ehercicio aki ta pa conoce e organisacion den momento di crisis, identifica puntonan di mehoracion, sea den comunicacion of den p.e. proceso di evacuacion durante un tsunami. Tambe ta monitor tur e loke ta preparacion cu tin ya 'in place' como hospital y finalmente con bon nos ta prepara si encaso algo asina sosode. "Algun siman pasa BRA a informa di e training y pues e a cuminsa haci preparacion pe dia di awe," Milka Wernet, Manager di siguridad ta conta. A traha diferente draaiboek y tambe sjabloon, a revisa loke tin 'in place' caba y a 'update' unda tabatin mester. A reuni cu diferente grupo esta managers, Hulpverlenerteam (HVT) y team di security y tambe a informa kico ta importante pa enfoca riba dje y mas importante ainda cu mester dirigi

tur hende pa 3 piso of mas halto den e edificio. Ainda tabatin algun pregunta ultimo ora pero e comunicacion mi tin cu bisa a bay bastante bon," Wernet a bisa.


Gregory Croeze, director financiero di Hospital ta conta cu "manera e melding a drenta nos a activa tur nos miembronan di personal. Nos tin un team di crisis y nan a subi di biaha den menos di 3 minuut piso 5 di toren B. Nos a cuminsa comunica cu e teamnan den cas y asina avisanan di e informacion cu nos a ricibi for di BRA. Riba cada piso tabatin un team specialmente pa wak kico ta pasando y pa move tur pashent di piso 1 y piso 2 pa piso 3, 4 y 5. E comunicacion di e team di crisis a sigui directamente cu BRA y tambe internamente pa tur hende ta prepara pa e supuesto momento di impacto. Nos a nota riba borchu tur accion cu mester tuma luga, e persona cu ta involvi y tambe ki informacion mester sali den cas p.e. e orario di un posibel blackout. Comunica cu e diferente lidernan di

cada team con ta bayendo cu e pashentnan, si tin suficiente cuminda, zuurstof y mas.

"Evaluacion di e training di tsunami a caba di tuma luga y tabatin diferente puntonan cu a wordo discuti cu nos por siña di dje y mehora pa futuro. Un training asina ta yuda pa ta mas miho prepara si encaso haya nos mes c'un tsunami real of un accidente di avion, un candela of un otro calamidad pa percura y salvaguardia e siguridad di nos pashentnan, bishitantenan y nos personal." Asina Jacco Vroegop, director di HOH ta splica. Un training sumamente educativo y Hunta di Directiva y crisisteam ta gradici tur hende pa nan comprension y cooperacion pa asina haci e training uno exitoso. E ta hopi bon pa practica esaki regularmente pa si encaso un calamidad sosode nos por yuda y rescata otro. "Mi ta spera cu esaki nunca pasa, pero si en caso tin un calamidad nos por ta cla para pa yuda!", Vroegop ta termina.



# Caso di hincamento: Un grupo di hoben lo agredi y hinca un empleado na Moomba Beach



Palm Beach: Diasabra algo prome cu 9'or y mey di anochi, na Moomba Beach lo a surgi un problema caminda dos hoben di un grupo di 5 lo agredi un empleado di

e establecimiento. Pa un of otro motibo dos di e hobennan lo a pasa man pa un botter ya surgi un problema cu a bay for di man, den cual lo a agredi ya hinca un empleado na



su brasa. Mesora a logra wanta un di e hobennan aki, kende tabata un damita basta hoben, mesora lo a avisa polis y ambulance tambe.

Varias unidades de polis a presenta na e sitio, e damita hoben cu nan tabata tin wanta na Moomba Beach, mesora a wordo deteni. Mesora

polis a cuminsa cu un buskeda pa e resto di e hobennan aki. Por a mira polis buscando den area di Marriott, di Saliña Cerca y riba beach caminda polis lo a bin topa cu otro sospechoso mas, e tambe a wordo deteni. E agentenan na e sitio a pidi pa transportwagen di polis pa hiba e dos sospechosonan pa warda

di Strandpolitie. Segun nos compronde durante buskeda nan lo a detene a another mas den area di Holiday Inn.

Ambulance tambe a presenta pa atende cu e victima, aparentemente ta trata di a manager di e establecimiento cu a wordo hinca na su brasa.



## Prome Minister Evelyn Wever-Croes:

# REUNIONNAN TECNICO ENTRE SINDICATO Y GOBIERNO: A CUMINSA RIBA SISTEMA NOBO DI EVALUACION

Diabierna ultimo a tuma luga e prome reunion di e comision tecnico tocante “prestatie management systeem”. Esaki ta un sistema nobo cu a wordo introduci pa evalua tur empleado publico na forma uniforme. Prome cu su introduccion casi tur hefe di departamento y gran parti di empleadonan publico a haya training extenso riba e sistema aki. E ley a drenta na vigor dia 1 di januari ultimo.

Despues di su introduccion, sindicatonan a urgi Gobierno pa para esaki debi cu tin algun hefe di departamento lo ta poniendo presion riba empleadonan, y tin confusion riba ehecion di e sistema. Gobierno a delibera cu sindicatonan, sinembargo sindicatonan SADA, SPA, SEPPA, FTA y SIMAR a dicidi di no participa si no revoca e ley.

Di banda di Gobierno a splica cu no por revoca un ley sin cu tin argumentonan valido y p'esey a invita sindicatonan na mesa. Sindicato TOPA ta e unico sindicato cu a pone su preocupacionnan pa cu e contenido di e sistema riba papel. A base di esaki, y den consulta cu sindicato TOPA, a dicidi di institui un comision tecnico pa trata e puntonan.

Na e reunion tawata presente representantenan di sindicato TOPA, y di parti di Gobierno tabata presente expertonan



di DWJZ, DRH y Ministerio di Asuntonan General. Tin cu remarca cu Gobierno a invita e bloke sindical SADA, SEPPA, KPA, SIMAR y FTA pa e reunion pero nan a opta pa no ta presente. Gobierno ta lamenta esaki pasobra a informa e sindicatonan na varios ocasion cu na mesa por adresa e preocupacionnan y yega na solucion den beneficio di empleadonan publico.

E reunion diabierna ultimo tawata fructifero unda a haci varios palabracion pa cu e comision tecnico y pa cu e puntonan señala. Tambe a keda palabra cu TOPA lo notifica Gobierno mesora ora nan tin informacion cu un hefe di departamento ta of kier mal uza e sistema di evaluacion.

“Mester accentua cu e “prestatie



management systeem” ta un instrumento pa mehora e funcionamiento di e trahado publico. Pues por conclui cu e comision a cuminsa den un forma

positivo. Un biaha mas ta extende invitacion na e bloke sindical pa forma parti di e comision tecnico”, Prome Minister a duna di conoce.



# Homber busca pa husticia deteni na Catiri



Catiri: Diabierna algo prome cu 10'or y mey di mainta, un team recherche lo a bay na a adres na Catiri, na e cas nan a detene a person. Mesora nan a hinca e persona den un auto di recherche ya pidi pa transportwagen di polis. Na yegada di e transportwagen e persona busca pa husticia a wordo pasa over pa e Transportwagen y

transporta pa warda di recherche na Wayaca. E sospechoso a wordo baha for di e transportwagen y hiba paden. E motibo di su detencion no ta conoci, a puntra e motibo pero te na e momentonan aki no aricibi non contesta, Otro casonan mas prome, tampoco nos aricibi un contesta.

## Otro chauffeur herida den accidente ariba crusada di Weststraat cu Prof.lorentzstraat (Otro conductor herido en el accidente en el cruce de Weststraat cu Prof.lorentzstraat)



Weststraat/ Prof. Diadomingo mainta un biaha mas e cruzada por bisa mas conoci den Playa pa accidente ta den noticia atrobe.

Prof. - Tawata algo prome cu 10'or cu polis mester a bay e cruzada di Weststraat cu Prof.lorentzstraat pa un accidente.

Na yegada nan a constata cut tin una persona herida den un Kia Picanto, cu golpi na pia y cabes y lo ta sinti curason.

Ariba e imagennan por muestra cu e Picanto a subi e cruzada sin pone atencion y pa su mala suerte un flatbed cu carga tawata yegando y ta dal contra dje.

Ambulance ya tawata yegando e sitio, unda cu Paramediconan mesora a bay duna chofer di e Picanto e asistencia necesaria. Na final e ta wordo transporta pa Hospital.



DOW mester studia e crusada aki mas y pensa con nan por bay alivia/

remedia e problema serio aki unda cut ta asina duidelijk cu mester bin uj solucion.





# Dos unidad di Brandweer a yega cas na Morgenster pa candela

Morgenster - Diasabra den oranan di mainta Brandweer a sali cu Urgencia pa un cas na candela ariba e caminda di Morgenster.

Dos unidades de Brandweer a yega basta lihe, unda cu aparentemente in cushina lo tawata na candela.

Na yegada caba bomb-eronan a nota cu no tin nada di huma of candela.

Habitantenan e ora a splica e bomberonan kiko



a sosode y cu huma lo a cuminsa sali for di patras di e frishider.

Ora cu a bay controla pa descarta cu por tin candela a bin resulta cu ta un

waya a overheat y cominsa smelt. Esaki a saca huma ya pone

cu e habitantenan a bay den poco panico, yamando Brandweer.

# Un taxi van di marca KIA a pega candela riba caminda na Rooi Afo

Rooi Afo: Diadomingo algo prome cu 2'or di merdia, un Taxi van di marca KIA, tabata riba and caminda di Anytime na Paradera bay zuid, direccion di Rooi Afo, net na moment cu e motor di e auto a pega candela. E chofer mesora a baha ya pidi pa presencia di brandweer y polis cu urgencia.

Polis y Brandweer a yega basta lihe na e sitio ya bin topa cu e parti di dilanti completamente na candela, mesora a cuminsa



combati e candela y hopi lihe a logra domina y paga



e candela. E auto na e parti di dilanti a ricibi hopi daño di candela, huma y awa.



# Yena mi awor a wòrdu lansá

Proskuneeo NL ta lansa su promé single di e aña aki entitulá 'Yena mi awor'. Un kansion den kolaborashon ku dos tremendo adoradó, Pastor Chesron Richardson i Claricee Torres. Pastor Chesron Richardson ta pastor di iglesia House of Worship Hulanda i ta konosí pa e kansionnan "No preokupá bo" i "Yunan di Dios". Claricee Torres ta forma parti di e grupo kristian na Kòrsou, Proskuneeo.

E ta e kantante prinsipal den adorashonnan manera "Mi ta stima Bo" i "Den Bo presensia". E tremendo kansionnan aki tin e propósito pa hala hende mas serka di Dios. E kansion "Yena mi awor" ta indiká ku nos tur tin mester di mas di Dios. E tin un plan pa kada un di nos i sin djE nos bida ta bashí. Nos konfiansa ta ku e kansion aki lo konsientisá hende ku ta Dios so por sasia nos set i yena e bashí ku nos ta sinti.

E kantantenan prinsipal di e kansion aki ta Pastor Chesron Richardson i Claricee Torres.

E koro; Amirah Rijna, Chanté Richardson, Jeanine Richardson i Michelle Macedo Sebastiao. E kansion a wòrdu areglá dor di Jeanine Richardson kompañá pa Rowently Ilaria komo drùmer i Samuel Duque Puchi komo kitarista.

'Yena mi awor' ta disponibel riba e kanal di Youtube di "House Of Worship Hulanda" i otro plataformanan manera Apple music, Deezer, Soundcloud i Spotify. Aboná awe mes riba e Youtube di House Of Worship Hulanda pa asina bo keda na altura di tur




produkshon di Proskuneeo NL. Tambe bo por bishitá nos página di Facebook "Howhulanda" i nos Instagram "Proskuneeonl".

Nos ta konfia ku kada un ku skucha e kansion aki wòrdu yená ku e amor i unshon di Dios. Ku hende lo sa ku si nos tin Dios, nos no tin mester di nada otro. Kompartí e kansion aki ku bo ser kerinan i konosinan pa nan tambe por wòrdu bendishoná.

Disfrutá di dje!

STICHTING  
**BLOEDBANK**  
ARUBA



**BO SANGER  
TA SALBA BIDA!**

☎ 587 0002

f StichtingBloedbankAruba

Registra pa bira donante na [www.bloedbankaruba.aw](http://www.bloedbankaruba.aw)



# SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen”



Saludos ! Awe den nos relato djis un chispa di e Dia Internacional di Hende Muhe dia 8 di Maart ultimo y di nos Dia Nacional 18 di Maart 2023 den Centro di bario Playa Pabao . Un dushi celebracion cu un publico grandi, un full house, cu a scucha cu atencion y sinja hopi for di tur locual e simpatico y bunita Notario Hilde Rodriguez-Taekema a presenta encuanto herencia, testament, partnership etc. etc. Cu un grupo di baile moderno di CBPP, ambiente musical y canto di Edjean Semeleer y bunita poemanan recita pa Omaira Britten, Ariana Koolman Chirino y Ruthy Vrieswijk-Bergen. Y cu e toke di amor un biaha mas di Martijn Trading cu regalonan pa rifa den e publico presente. Despues dia 18 di Maart e dushi celebracion na CBPP cu varios gruponan di baile y cantantenan e.o. un di e ganadornan di e festival pa Aruba e anja aki, cu a canta den duo tambe cu Lady Ruth, un cantica cu letranan improvisa pa Lady Ruth, riba melodia di e cantica “My Bonny” den CBPP. Oh e bailenan

tawata super suser alegre y bunita !

Algun di esnan cu a duna un bunita presentacion :Coro L’Escala, Gucci Dancers, Chaz Dancers, Baile di sinta cu grupo di Lia Lopez. Stephany Quandt cantante solista y otronan.

Nos ta comparti awe, e poema cu Lady Ruth como un sorpresa a inspira y dedica na CBPP y nan presidente dinamico y hopi activo, e gentil cabayero Dennis Burke, cu tawatatei for di e comienzo di e Centro di bario aki y tey ketobay trahando cu alma y curpa .

**CENTRO DI BARIO PLAYA PABAO TA CELEBRA 45 ANJA**

Un dushi lugar cu a nace dia 23 di Februari 1978

Un Centro di Bario cu no tin su morocho

Un Centro activo y bibo, Un lugar di nan, di nos, di mi y di bo

Pa tur e dushi hendenan di Socotorro,

Socotorrowijk, Rancho, Madiki, Pos Abao

Bushiri y Santa Helena, Den comienzo tambe a conose nan lamper y strena

Cu e nomber cu a wordo acepta como CBPP

Tawatatin tambe un comishon di damas, sra y jufrouw

Hopi actividad a mira lus di dia den e Centro aki

Pa cu e desaroyo fisico, social y spiritual

Manera un bunita roza cu su mesun taki

Lady Ruth conose como un di nan dinamico presidente

Sr. Dennis Burke, un gentil cabayero trahador awe noch present

Un Shon di hende homber inspira cu no tin su igual

Dennis a toka curason di hopi, tambe di ami

Historia di demas heroenan ta largo, lista di nombenan tambe

Nos por bisa si, cu e atencion duna na e barionan den vecindario

A y ta marcando historianan interesante y legendario

Hobennan balente cu amor y dedicacion pa nan bario stima

Den e historia y curason di CBPP bon graba y warda Pabien na Stichting Centro di Bario Playa Pabao cu 45 anja di felis existencia activo

Tur cu tey presente awe noch pa celebra Dia internacional di Hende Muhe

Ta prueba ketobay, cu tur e barionan menciona tin mester di dje bibo

Pa mas actividadnan bunita, fisico, social, spiritual y cultural por sigui tuma lugar

Danki na tur foi cuminsamento y tur cu tey ainda y awor den un direktiva dinamico

Pa tur e otro Centro di Barrionan, boso ta un ehempel y role model fantastico !

Un danki special na e cara y curason di CBPP, den persona di Dennis Burke Pabien y danki pa bo per-



severancia den existencia di boso Centro di Barrio.

Cu Architecto di Universo sigui drama su bendicion riba cada un di boso

Pa e barrionan menciona y nan bishitantenan por sigui disfruta y sinti su goso !!!

Lady Ruth ta pidi boso tur presente, lanta para y bati man

Y Pa CBPP su 45 anjan-

an nos grito di alegria :” Hiep hiep hiep.....hoerrrrraaaa!!!

Pabien na Meneer Dennis Burke, un bunita prohimo ruman !!!!

Ruthy”Lady Ruth” Vrieswijk-Bergen

Inspira pa e relato den Diario di Dialuna 27 di Februari 2023

CBPP ta celebra 45 anja, skirbi pa Dennis Burke.



Premier Evelyn Wever - Croes:  
**“E CAMBIO FUNDAMENTAL DEN CON  
 TA PERCIBI AWA TA CUMINSA NA CON AWA  
 TA WORDO BALORA”**



ORANJESTAD - Yegando final di e conferencia di awa “UN Water Conference”, Prome Minister a tene un discurso den cual a adresa e importancia y necesidad pa acelera cambio pa resolve crisis di awa.

E cambio fundamental den con ta percibi awa ta cuminsa na con awa ta wordo balora, na nivel individual y den comunidad na paisnan rond mundo den region y internacionamente.

Mehoracion den maneho di awa y haci uzo di e ciclo natural di awa, ta e prome pasonan pa balora awa.

Aruba ta comprometi na uza e concepto “Building with Nature”, cual ta wordo uza entre otro ora ta restaura playanan unda cu e santo blanco a sufri daño door di impacto di horcan. Pa hiba e concepto un poco mas leu, Aruba su intencion ta pa renoba un di e sistemanan di purificacion di awa sushi, pa e awa recicla por wordo uza pa mantencion y aumenta biodiversidad di humedanan / “wetlands” y provee irigacion.

Ademas Aruba a compromete su mes na desaroya legislacion pa awa, pa por regula y optimalisa e

sistema di awa na Aruba pa preveni polusion.

Como isla e ta importante pa salvaguardia rikesanan den biodiversidad riba tera y den lama. E ta sumamente necesario pa aumenta resiliencia di economianan di islanan contra di vulnerabilidad climatologico y den balans cu medio ambiente.

Finalmente Prome Minister a expresa cu awa por ta e palanca pa desaroy sostenibel, y islanan mes- ter considera pa atende e diferente aspectonan aki na mihor forma, pa yega na solucion mas efectivo.

**Paga bo cuenta online ta facil**

Sea **Abonnement of Aviso**

Pago online, facil y lihe

**Pa hasi pago online pone nomber y adres na cuenta di banco RBC Sunmax Printing account # 7700000100152447**



# FUNDACIÓN POSITIVA TA PRESENTA IMPRESIONANTE CONCIERTO DE GOSPEL 'ARUBA BO TA BENDICIONA'

Diasabra dia 1 de abril 2023



Oranjestad, 24 de maart 2023 – Positive Foundation ta presenta pa de cinco biaha y concierto popular de gospel 'Aruba Bo ta bendiciona' dia 1 de abril proximo, pa 7'0 de anochi den Cas di Cultura. Glen Penniston, presidente de Positive Foundation, organiza un concierto de gospel aki cu e meta pa conscientisa cada ciudadano con bendicion nos ta pa biba riba e isla maravioso aki. E con-

certo ta pa comunidad en general y tambe specialmente pa nos Adultonan mayor, pa nan tambe sinti cu Aruba ta aprecia y balora nan pa tur local nan a nifica pa nos comunidad. Tur esaki ta posibel danki na e partnernan..... cu ta haci posibel pa e hendenan grandinan di varios cas di hende grandi tambe por presencia e concierto. Fundación Positiva invita a biaha aki y al cantante de gospel popular

Juano Coco, Angelique Klooster de Corsou y for de Hulanda y al cantante cu hopi hende ta pidi pe, Willy Rodriquez. De Aruba conocemos a nuestra cantante Eltienne Yarzagaray, Luigi Cortes y Jerrino Bass. Y el famoso cantante nan lo presenta cancionnan cristian e inspirativo pa asina trece fe yesperansa cerca tur cu presencia e concierto aki. Positive Foundation ta invita un y tur pa bin presencia e concierto di 'Aruba bo ta bendiciona' y sinti con bendiciona cada un di nos ta y nos isla ta na tur momento. E carchinan na balar di AWG 40,= ta na benta na Citgo Boulevard, Citgo Sta. Cruz, Ctigo Essoville y Gallo Rojo.

Pa abona na  
SOLO DI PUEBLO  
Yama  
585 9500

Manda nos un e-mail na  
solodipueblo@gmail.com

Entrega tur dia te den bo port'i cas



# Medida General di Gobierno den Conseho di Minister **Conseho di Minister ta dicidi cu studiantenan Caribense ta ricibi un BSN prome cu nan yega Hulanda**

Conseho di Minister a bay di acuerdo cu un cambio di e Decreto registracion basico di persona, di manera cu studiantenan Caribense ora nan pidi financiamiento di estudio via DUO, por haña mesora un BSN. Esaki ta posibel door di registran temporalmente como no-residente den e BRP. Den consulta cu minister di Enseñansa, Cultura y Ciencia, secretario di estado di Relashon di Reino y Digitalisacion (BZK), Alexandra van Huffelen, a presenta e decreto. Di e forma aki e ta implementa e ambishonnan di gabinete pa duna studiantenan di Bonaire, Saba y Sint Eustatius, Aruba, Corsou y Sint Maarten un BSN prome cu nan yega Hulanda. A presenta e decreto na Raad van State pa conseho.



Regla asuntonan mas facil online  
 Cu un BSN studiantenan por regla tur asunto cu go-



bierno y otro instancianan online, pa cua tin mester di un BSN. Por ehempel pa petishon di un DigiD, pago extra i pa traha un cita ku e municipio pa inscripshon den e BRP. Di e forma ey studiantenan por prepara nan mes prome cu nan yega Hulanda y despues di nan yegada regla tur asunto mas lihe. Pa e motibo aki nan no ta haya nan mes den problema innecesariamente. E decreto ta un prome paso. Despues cu e drenta na vigor tin mester di tempo pa adapta e sistemanan di DUO.

Pa studiantenan Cari-

bense cu derecho riba financiamiento  
 E cambio ta conta pa tur estudiante Caribense cu tin derecho riba financiamiento di estudio y cu ta bay studia na Hulanda, pero cu no ta biba aya ainda.

Un condicion importante ta cu nan mester tin nacionalidad Hulandes of ekivalente. Studiantenan Caribense di mbo cu ainda no a cumpli 18 aña tambe ta haya e BSN prome cu nan yega Hulanda.

E derecho pa biaha cu nan ta ricibi, conoci como e producto di biahe pa estudiante, ta ser concidera

tambe como finansiamiento di estudio.

Registracion den un municipio despues cu yega Hulanda ta obligatorio  
 Despues di e decreto aki tambe studiantenan Caribense ta obliga di registra nan mes den e BRP di e municipio Hulandes kaminda nan ta bay biba, despues cu nan yega Hulanda. E areglo ta conta pa tur persona cu ta bay keda mas di kuater luna na Hulanda. E BSN ta keda igual.

Posibel medidanan adicional na comienso di e estudio den 2023

Pa studiantenan Caribense cu ta cuminsa na augustus of september di e aña aki cu nan estudio na Hulanda no ta posibel pa haci e cambio na tempo despues cu e decreto a drenta na vigor.

Nan ta haya un BSN despues di registrashon den BRP di e municipio Hulandes kaminda nan ta bay biba.

Gobierno Central ta bai haci esfuerso pa, den casonan individual, eliminá puntanan problematico pa e studiantenan Caribense, cu ta soru pa tardansa na momento di registracion den BRP.



Minister Ursell Arends:

# Proceso pa un hindervergunning pa e desperdicio riba dump a inicia



Manera ta conoci, dump na Parkietenbos ta cera desde 1 di januari 2023. Siguiendo pasonan pa dump ta inclui pa 'cap' e dump y transforma esaki den un parke solar. Simultaneamente Serlimar SG ta tumando pasonan pa hiba un maneho financieramente responsabel, mientras diferente compania priva ta hunga un rol den yega na un maneho di desperdicio riba nivel

nacional cu ta hopi mas sostenibel y responsabel. Esaki ta parti di e vision di Ministerio di Naturalesa.

Cu e ceramento di dump na Parkietenbos, un paso importante a wordo tuma pa para e aumento continuo di desperdicio na dump durante decadas. Pa motibo di e desperdicio cu ta riba dump caba, Serlimar SG, como beheerder di e dump y den deliberacion

cu Ministerio di Naturalesa, a haci peticion pa un hindervergunning. Ministerio di Naturalesa ta considera e paso aki uno responsabel. E proceso pa un hindervergunning ta regla den nos Hinderverordening y ta inclui un termino di 30 dia pa tur hende por expresa por escrito si nan tin desacuerdo cu dunamento di e permiso. E anuncio pa cu esaki a wordo haci y a cuminsa

desde 23 di maart 2023.

E peticion aki no ta significa cu lo bin un otro dump, ni cu lo habri dump bek. E peticion ta relaciona cu e posibel molester cu e desperdicio cu tin na e sitio caba, por causa.

Pa mas informacion tocante e maneho di desperdicio y unda pa hiba diferente tipo di desperdicio, bishita [trashocasharuba.org](http://trashocasharuba.org).

org.





# FIFA 73rd Congress Briefing Maart 2023



## Women's Football

- Women's World Cup prize money a crese 3X a pa un suma di USD 152 miyon
- FIFA ta puntra commercial partners (broadcasters y sponsors) pa step up cu nan bids pa broadcasting rights, indicando cu e sumanan cu a wordo recibi ta inaceptabel
- FIFA ta desea di subi e prize money pa Women's pa por ta igual cu esun di Men's pero ta depende di entradanan di sponsors pa esaki tambe
- E servicionan y capacidad di e World Cup si lo bay ta igual ta na esun di hende homber, cu oportunidad pa cada pais hiba mesun hopi delegadonan y hungadonan, como tambe e acomodacionnan y e nivel di biahe, nivel di team base camps y otro facilidadnan
- FIFA ta anuncia mehoracion den arbeidsvoorwaarden pa hungadonan femenino profesional cu por ehempel reglamento beneficoso pa muhenan na estado

## Futuro

- Gianni Infantino a wordo re-eligi pa un periodo di 4 año mas
- Futbol pa amputees (hende cu discapacidad fisico) lo bay haya mas atencion y oportunidad
- Formato di World Cup 2026 a cambia pa inclui mas pais, cu mas wega cu lo wordo hunga (di 32 pa 48 pais, di 64 pa 104 wega)
- A expande e Club World Cup 2025 cu mas clubnan participando y mas wega (tur 6 continente lo wordo representa na e Club World Cup)
- Presidente Infantino a menciona e posibilidad di un FIFA World Series
- E U17 World Cup lo wordo hunga tur año, pa niun hungado di U17 mester perde chance pa participa



## Governance


- FIFA a menciona cu lo tin mas miho maneho riba global transfer fees
- Mas commitment pa cu financial sustainability
- FIFA a menciona cu lo bay investiga e feasibility riba pone un limite riba transfer fees



# FIFA 73rd Congress Briefing Maart 2023

## Revenue

- FIFA a hit un record revenue di USD 7.7 biyon
- Pa e siguiente ciclo di 4 aña FIFA ta proyecta un revenue di USD 11 biyon, di cual e fondonan lo wordo distribui pa futbol mundialmente, cual segun Presidente Infantino ta pas den su vision di "Make Football Truly Global"



## Tecnologia

- FIFA su enfoque ta cu tecnologia ta e caminda di e futuro, y lo hasi VAR accesibel na tur pais miembro
- Na e momento aki tin VAR den 100 pais rond di mundo (FIFA ta conta cu 211 pais miembro incluyendo Aruba)
- Lo introduci VAR Light pa paisnan cu por tin 4 camera riba veld
- Lo introduci te hasta un last level pa paisnan cu tin acceso na 1 camera so riba veld
- FIFA lo ofrece RDO (Referee Development Officers) pa yuda miembronan cu structura, organizacion y educacion pa nan Referee Departments
- FIFA ta sigui traha riba desaroyo di eFootball tambe y lo sigui traha pa tur e FIFA games ta keda e miho wega riba mercado

## Talent Development Scheme

- Arsène Wenger, Chief of Global Football Development di FIFA, a anuncia cu TDS lo mira un investment di USD 200 miyon pa e proximo 4 aña
- Tin 7 pais cu ta participa na e pilot program di TDS actualmente, e meta ta pa tur pais tin un TDS. (Nota: aki na Aruba nos plan a wordo entrega caba pa AVB y aproba door di FIFA)
- Tur TDS lo ricibi un suma di USD 50 mil pa aña
- FIFA su meta ta enfoca riba academies pa cada pais miembro por tin e best of the best training hunto y pa demostra cu long term planning ta pay off (a usa como ehempel Marokko y Japon)
- Tur pais miembro por aplica pa un FIFA talent coach, cu lo set up y duna training specialisa pa algun hungado (entre edad di 12 y 16 aña) y coach local cu hopi promesa. E prome 7 pais nan den pilot project a cuminsa traha cu nan FIFA Talent coach desde januari 2023







Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 25 Maart 2023 Merdia

<b>CATOCCHI</b>	<b>LOTTO 5</b>	Joker Letter
Sorteo # 3865	Sorteo #	Proximo Jackpot
4917	0 x Jackpot	<b>650.000,-</b>
0221	0 x Match 4+	
6824	0 x match 4	
	0 x Afl. 12,00	
<b>MULTI X</b>	<b>LOTTO 5</b>	
FP	Sorteo #	Proximo Jackpot
<b>BIG 4</b>	0 x Jackpot	<b>51.000,-</b>
Sorteo # 3865	0 x Match 4	
6059	0 x Afl. 8,00	
<b>DIFF</b>	<b>MEGA</b>	Mega Ball:
Sorteo # 1921	Sorteo #	Proximo Jackpot
2809	0 x Jackpot	<b>390.000,-</b>
	0 x match 4	
	0 x Afl. 500,00	
	0 x Afl. 15,00	
<b>ZODIAC</b>	<b>MEGA</b>	<b>Afl. 490.000,-</b>
Sorteo # 3865	<b>MEGA</b>	
2059	<b>LOTTO 5</b>	
Aquario	Sorteo #	
<b>LUCKY 3</b>	<b>LOTTO 5</b>	
Sorteo # 739	Sorteo #	
212		
<b>MULTI X</b>	<b>LOTTO 5</b>	
X2	Sorteo #	



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 25 Maart 2023 Anochi

<b>CATOCCHI</b>	<b>LOTTO 5</b>	04-06-24-33-34
Sorteo # 7901	Sorteo # 2374	Joker 22 Letter H
9836	0 x Jackpot	Proximo Jackpot
9111	0 x Match 4+	<b>700.000,-</b>
3890	9 x match 4	
	268 x Afl. 12,00	
<b>MULTI X</b>	<b>LOTTO 5</b>	
X2	Sorteo # 6071	Proximo Jackpot
<b>BIG 4</b>	0 x Jackpot	<b>52.000,-</b>
Sorteo # 6945	3 x Match 4	
3249	131 x Afl. 8,00	
<b>DIFF</b>	<b>MEGA</b>	Mega Ball:
Sorteo # 1650	Sorteo #	Proximo Jackpot
6741	0 x Jackpot	<b>390.000,-</b>
	0 x match 4	
	0 x Afl. 500,00	
	0 x Afl. 15,00	
<b>ZODIAC</b>	<b>MEGA</b>	<b>Afl. 490.000,-</b>
Sorteo # 5704	<b>MEGA</b>	
6659	<b>LOTTO 5</b>	
Libra	Sorteo #	
<b>LUCKY 3</b>	<b>LOTTO 5</b>	
Sorteo # 634	Sorteo #	
575		
<b>MULTI X</b>	<b>LOTTO 5</b>	
X2	Sorteo #	



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 26 Maart 2023 Merdia

<b>CATOCCHI</b>	<b>LOTTO 5</b>	Joker Letter
Sorteo # 3866	Sorteo #	Proximo Jackpot
7814	0 x Jackpot	<b>700.000,-</b>
5084	0 x Match 4+	
7191	0 x match 4	
	0 x Afl. 12,00	
<b>MULTI X</b>	<b>LOTTO 5</b>	
X2	Sorteo #	Proximo Jackpot
<b>BIG 4</b>	0 x Jackpot	<b>53.000,-</b>
Sorteo # 3866	1 x Match 4	
3000	70 x Afl. 8,00	
<b>DIFF</b>	<b>MEGA</b>	Mega Ball:
Sorteo # 1922	Sorteo #	Proximo Jackpot
3432	0 x Jackpot	<b>390.000,-</b>
	0 x match 4	
	0 x Afl. 500,00	
	0 x Afl. 15,00	
<b>ZODIAC</b>	<b>MEGA</b>	<b>Afl. 490.000,-</b>
Sorteo # 3866	<b>MEGA</b>	
6472	<b>LOTTO 5</b>	
Piscis	Sorteo #	
<b>LUCKY 3</b>	<b>LOTTO 5</b>	
Sorteo # 740	Sorteo #	
84815		
<b>MULTI X</b>	<b>LOTTO 5</b>	
FP	Sorteo #	

## Ref. wega entre S.V. Atlantico Deportivo contra di S.V. Arsenal

Durante di e partido cu a tuma luga diahuebs ultimo 23 di maart entre S.V. Atlantico Deportivo vs S.V. Arsenal den Copa Division Uno, e referee mester a para e wega na di 82 minuut pa motibo di bringamento cu a tuma luga entre e hungadonan.

A base di e rapport di e referee e hungadonan y miembro di e clubnan envolvi a haya voorlopige schorsing di AVB y a wordo informa di esaki tambe.

Fuera di esey, e caso a wordo manda pa Straf Commissie, cu ta un entidad independiente di AVB, pa tuma un decision riba e caso aki despues di duna opor-

tunidad na tur esnan envolvi pa duna nan banda di medaya.

AVB ta nota cu ultimamente tin mas violencia riba veld y rond di e deporte di futbol y esaki ta di lamenta. Pa e motibo aki siman pasa AVB a yama un reunion cu caracter di urgencia pa discuti e topico aki cu e dirigentenan di e clubnan cu lo tuma luga diaranson 29 di maart 2023.

E meta di e reunion aki ta pa hunto, AVB y esnan concerni yega na un medida cu lo wordo implementa pa evita cu e situacion aki escala, pero tambe pa disciplina esnan cu no ta mantene nan mes na e normanan deportivo y buena conducta.




**PRONOSTICO DI TEMPO**

PRONOSTICO DI TEMPO  
VALIDO TE DIALUNA 27 DI MAART 2023, 18:00 ORA

**TEMPO:**

AWE NOCHI: PARCIALMENTE NUBLA Y GENERALMENTE SECO  
DEN MARDUGA Y MAYAN: PARCIALMENTE NUBLA CU UN  
POSIBLE AWACERO PASAJERO

TEMPERATURA MAXIMO 31 GRADO CELSIUS  
TEMPERATURA MINIMO 25 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 32 PA 35 GRADO CELSIUS  
UV INDEX: 12

BAHADA DI SOLO : 6:51 PM  
SUBIDA DI SOLO : 6:39 AM.

BIENTO: MODERA TE BASTA FUERTE FOR DI DIRECCION  
GENERALMENTE OOST;  
FORSA 4 TE 5 (20 TE 39 KM/ORA, 11 TE 21 NUDO)  
DEN DIA FUERTE TE DURO DEN RAFAGA:  
FORSA 6 TE 7 (40 TE 61 KM/ORA, 22 TE 33 NUDO)

SITUACION GENERAL DI TEMPO PA PROXIMO 24 ORA:  
NO TA SPERA CAMBIONAN SIGNIFICANTE DEN E TIPO  
DI WEER CU TIN ACTUALMENTE. E ATMOSFERA DEN  
NIVELNAN MAS ABOU TA SECO LOKE LO STROBA  
DESAROYO DI NUBIANAN CU POR PRODUCI AWACERO.  
PA E MOTIBO AKI NO TA SPERA AWACERO DI  
IMPORTANCIA DURANTE DI PROXIMO 24 ORA.

CONDICIONAN MARITIMO/ ESTADO DI LAMA:  
NA PARTINAN PROTEJE DI COSTA: LEVE, ROND DI 1 PIA.  
NA PARTINAN ZUID: TRANKIL TE MODERA, ENTRE 1 PA 2 PIA.  
NA PARTINAN OOST TE NOORDWEST DI COSTA:  
MODERA TE LOCALMENTE POCO BRUTO, ENTRE 5 PA 7 PIA  
LOCALMENTE E POR JEGA 8 PIA.

AVISO/ ALERTA:  
UN AVISO PA BOTO CHIKITO PA PARTINAN OOST TE NOORDWEST  
DI COSTA TA NA VIGOR.  
TA SUGERI OCUPANTENAN DI BOTO CHIKITO PA BAI CU  
CAUTELA RIBA LAMA HABRI.

FENOMENONAN SPECIAL:  
NINGUN

POTENCIAL DI AWACERO PA PROXIMO 24 ORA:  
MENOS DI 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y  
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 30 / MIN 26 / 0.0 MM  
WESTPUNT: MAX 31 / MIN 26 / 0.0 MM  
STA ROSA: NO TIN DATOS

PRONOSTICO DI TEMPO PA PROXIMO 3 DIANAN:  
LEVE TE PARCIALMENTE NUBLA CU UN AWACERO PASAJERO.  
BIENTO LO TA FOR DI DIRECCIONAN OOST Y MODERA TE  
BASTA FUERTE, FUERTE TE POSIBLEMENTE DURO DEN RAFAGA;  
TEMPERATURA (GRADO CELSIUS) MAX / MIN LO TA: 32 / 26

## NO DRENTA DEN NINGUN ORGANISACIONNAN SATANICO



No dreña y no bira miembro  
di nan asambleanan satanico.

No haci huramentonan na sa-  
tanás. Bijbel ta bisa, Mateo 5:  
33 – 37; “Mescos tambe boso  
a tende cu ta bisa na boso an-  
tepasadonan: Lo bo no hura  
falso, ma lo bo tene bo hura-  
mento den Cara di Senjor. Ma  
AMI ta bisa boso, pa no hura  
pa ningun motibo, ni pa Cielo,  
pasobra Cielo ta trono di  
Dios. No hura ni pa tera, pa-  
sobra esaki ta banki di Su pi-  
anan, ni pa Herusalem, pas-  
obra esaki ta e ciudad di e gran  
Rey. Tampoco pa bo cabes,  
pasobra bo no por haci nin-  
gun draachi di bo cabeï preto  
ni blanco. Laga bo si ta si y  
bo no ta no. Tur loke bo pone  
acerca ta bini di satanas.” Es-  
nan den organisacion, nan  
ta nenga cu Cristo-Hesus ta  
Senjor y Salvador y nan ta  
bay na nan mes destino riba  
nan mes manera. Bijbel ta  
bisa, Huan 14: 6 ; “Hesus ta  
contesta: AMI ta caminda,  
berdad y bida.

Ningun hende no ta yega cer-  
ca Tata, sino pa medio di Mi.”  
Esnan den organisacionnan,  
nan ta ignora e Bijbel di Dios.  
Bijbel ta bisa, 2Timotheo 3:  
16 y 17; “Tur loke ta para scir-  
bi den Escritura, a keda inspi-  
ra pa Dios y ta util pa instrui,  
refuta, coregi y pa educa hen-  
de pa husticia, pa un homber  
di Dios sea perfecto, comple-  
tamente prepara pa tur bon  
obra.” Esnan den organisa-  
cion, nan ta adora diferente  
diosnan pagano. Bijbel ta bisa  
den Exodo 34: 14; “No adora  
ningun otro dios, pasobra  
Senjor ta un Dios celoso y E  
no ta tolera ningun otro dios.  
P’esey no cera ningun comb-

enio cu e habitantenan di e  
paise y.” Den e di Prome Man-  
damento di Dios ta bisa: “Di  
stima y adora bo Senjor y bo  
Dios di henter bo curason, di  
henter bo alma, di henter bo  
sintir, di henter bo ser y mas  
cu tur cos den mundo.” Esnan  
den organisacion, nan ta ne-  
nga di menciona e nomber di  
Hesus den nan asamblea. Bij-  
bel ta bisa den Phillipensenan  
2: 10 y 11; “Pa cu den Nomber  
di Hesus tur rudia lo dobla, di  
habitantenan Celestial, habi-  
tantenan terenal y spiritonan  
infernal y tur lenga lo profesa  
na honor di Dios Tata; Hesu-  
Cristo ta Senjor.”

Na esnan den organisacion  
cu ta haci pactonan satanico  
y nan ta wordo marca riba  
curpa cu e number 666. Den  
Bijbel ta bisa den Apocalipsis  
14: 9 – 11; “E di tres Angel a  
selama na boz halto: Kende  
cu adora e bestia y su ima-  
gen y laga pone e marca riba  
su frenta of su man, esun ey  
lo bebe di e binja di Dios Su  
rabia, cu ta prepara puro den  
copa di Su ira y lo e keda tor-  
menta cu candela y zwavel di-  
lanti di Angelnan, Santonan y  
di E Lamchi. Y huma di nan  
tormento ta subi bay halto  
den siglo di siglonan.

Ni di dia, ni anochi nan no  
tin sosiego na esnan cu ta  
adora e bestia y su imagen y  
kende cu ta acepta e marca  
di su nomber.” Bijbel ta bisa  
den 1 Corinthionan 10: 21 y  
22; “Boso no por bebe for di  
copa di Senjor y tambe for di  
copa di demonionan, boso no  
por participa na mesa di Sen-  
jor y tambe na mesa di demon-  
ionan. Acaso boso kier pro-  
voca Senjor? Bosonan ta mas  
fuerte cun’E?



# Clasificados

AUTOS
 INMUEBLES
 ARTICULOS
 NEGOCIOS
 SERVICIOS
 EMPLEOS

**M SOLODIPUEBLO@GMAIL.COM**

**585 9500**

**www.SOLODIPUEBLO.com**

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247

# Obituarie

Publica serka nos anuncio di fayecimento di bo ser keri.  
Nos tin 2 pakete pa ofrece;

**Pakete 1:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia Afl 250,00

**Pakete 2:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia  
Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na  
585-9500 of na 741-4554 puntra pa  
Jamila Henriquez**

# Oracion di dia

**Un feliz dia bendiciona cu hopi amor, paz  
y gracia di Dios**

"Pasobra mescos cu Tata ta fuente di bida, asin'ey tambe El a haci  
Su Yiu fuente di bida".(Huan 5, 26)

Despues cu Hesus a cura e homber na e piscina, e hudiunan a  
confronta Hesus pasobra El a haci e milager riba diasabra y El a  
yama Dios Su Tata. Awe nos ta scucha e contesta cu Hesus a duna  
pa defende Su mes. E ta bisa ken E ta y con E ta traha cu y pa  
Su Tata, Su union den y door di Spirito Santo, ta e gran misterio  
di e amor di Tata den union di e tres personanan di Santisima  
Trinidad. P'esey semper nos oracion mester ta dirigi na Tata y na  
final den e nomber di Hesus. E lectura por ta di hopi inspiracion  
pa lesa e Evangelio aki den forma poco poco y trankil. E ta un  
ehempel pa bo pasa bo tempo di oracion, simplemente poniendo  
atencion na loke cu Hesus ta papiando cu bo.

Oracion: Señor mi Dios haci mi fuerte pa semper mi acepta Bo  
boluntad pa mi bida. Dirigi mi bida pa medio di Bo Spirito Santo  
y pa medio di Bo Santo Palabra. Yuda mi haci semper loke ta cor-  
ecto y husto den Bo bista. Amen.



# LESA LOKE DIOS TA BISA DEN BIJBEL TOCANTE DI INMORALIDAD Y DI DESHONESTO

Bijbel Genesis 19: 1 – 23, Dios Tata a destrui e dos ciudadnan grandi di Sodoma y Gomorra cu tur su habitantenan, cu candela y azufre.

E anochi prome cu Lot cu su famia a bay drumi, tur e hombernan di Sodoma, sin exepcion di hobenan y ancianonan, nan a rondona e cas di Lot. Nan a yama Lot y a bis'e : Na unda e dos hombernan ta cu a yega bo cas anochi? Sakanan afo, pa nos tene relacion sexual cu nan.

Lot a sali afo y a bisanan: Mi ta roga boso mi rumanan, no comete tal maldad aki. Bijbel Levitico 20: 13: "E homber cu drumi cu un homber manera ta drumi cu un muher, nan dos ta comete actonan repugnante, nan dos lo muri y nan sanger lo cai riba nan." Bijbel Levitico 18: 22 y 23: "Lo bo no tin relacionnan cu un homber manera cu sa haci cu un muher, esey ta un acto abominabel. Ni hombernan y ni muhernan, no tene relacion sexual cu un bestia, esey ta actonan abominabel y perverso." Bijbel Romanonan 1: 27: "Mescos tambe hombernan a kita nan relacion natural cu muhernan y nan a inflama nan mes den pasionnan cu otro homber. Hombernan ta comete deshonestidad cu hombernan.

Asina nan ta haya di nan mes e pago mereci pa nan errornan." Bijbel 1 Corinthionan 7: 2 y 3: "Ma Ami ta bisa boso: Como cu tin tanto inmoralidad, cada homber mester tin su mes


esposa y cada muher su mes esposo.

Tanto e homber como e muher mester cumpli cu nan obligacion matrimonial." Bijbel Marko 10: 6 – 9: "Na cuminsamento di Creacion Dios a crea homber y muher. Pa e motibo ey e homber ta laga su mama y su tata pa e uni cu su muher y nan dos lo bira un solo curpa.

Kiermen hende no mag di separa loke Dios a uni den matrimonio." Bijbel 1 Timotheo 1: 9 y 10: " Corda cu Ley di Dios no ta pa hende cu ta biba bon, pero pa esnan cu ta rebelde, desobedecido, cu ta biba sin Dios, pa pekadornan y pa hendenan cu ta desprecia y profana tur loke ta sagrado, burdugonan di nan mes tata y mama, mata-dornan, hende homber cu ta comete inmoralidad sexual cu hende muher, cu hoben y cu otro homber, traficantenan di katibo, ganjadornan, esnan cu ta hura falso of cu ta haci tur loke ta contra di e doctrina sano." Bijbel Hudas 1: 6y7: "Corda tambe riba e angelnan cu no a mantene nan mes na nan puesto di autoridad, pero abandona nan lugar di biba.

Awor nan ta mara na cadena eterno den scuridad profundo, caminda Dios ta wantanan pa, riba e gran dia di huicio, nan haya condenacion.

Corda tambe riba Sodoma y Gomorra y e ciudadnan den nan bisindario, nan hendenan tambe a comete inmoralidad sexual, nan a sigi actonan cu ta contra



naturalesa.

P'esey nan castigo ta, kima eternamente den candela como un advertencia pa tur hende." Bijbel 1 Corinthionan 6: 9 y 10: "Boso no sabi cu esnan cu ta comete inhusticia, nan lo no drenta e Reino di Dios? No ganja boso mes! Pasobra na esnan cu ta bishita e muhernan di

bida, na esnan cu ta adora diosnan falso, na esnan cu ta comete adulterio, e fornicadornan, na e kibradornan di matrimonio, na esnan cu ta practica homosexualidad y na esnan cu ta drumi cu un homosexual, na e violadornan di hobennan, na e ladronnan, na esnan golos pa plaka, na e burachenan,

na e calumniadornan, na e ganjadornan, ningun di nan lo no drenta den Reino di Dios." Bijbel Romanonan 1: 32: "Y maske cu nan sa e sentencianan di Dios, cu ta declara cu nan ta digno di merece morto, pero apesar di esey nan ta sigi haci e actonan aki y tambe nan ta aplaudi na esnan cu ta hacie."



## Gradicimento y Invitacion

Den number di full famia Navas y Flanegin ta gradici tur esnan cu di un manera of otro a muestra nan atención y cariño durante bida, fayecimiento y despedida di nos defunto stima:



### Susanna Navas-Flanegin

Mihor conoci como: "Chanita"

Un danki special na:

dokter di cas Dr. Horenbeek

Lola Geerman di Wilhelmina Kankerfonds

Sra. Eloiza Koolman pa su cariño y oracion.

Tambe na Ad Patres Funeral Home pa su bon servicio y atención.

Alavez nos kier haci invitacion pa compañía nos pa 8 anochi di resamento di Rosario na Jan Flemming 13A pa 7:30pm.

Riba ultimo dia cual lo ta diaranson, 29 di Maart 2023, lo tin un santo sacrificio di misa na Misa Immaculada concepcion pa 7pm y despues un oracion na cas.

Boso palabranan di consuelo lo keda semper graba den nos curason.



### "DUDAS"

Pakiko bo ta duda di mi existencia jen di miedo i temor ta temORIZABO cuanto biaha mi no a pidi bo confia den mi i asina dunabo tur mi apoyo. Cuanto biaha bo a lubida cu ami tey pa consola bo curason jen di tristesa ora ta orando ami ta sinta mey mey scuchando bo bos pidiendo judansa. Tin biaha mi ta mirabo tur disgusta ni sikiera un bon dia bo ni a dunami pa bo tur cos a bai malo i aki duda a drenta bo curason sin consultami. Mi yiu stima corda cu ami ta Amor mi Paz mi yiu homber a entrega pa kita tur tristesa, miedo i dolor creando speransa pa sigui truinfa. Nunca duda den mi promesanan rikesa i banidad no ta pa eternidad si bo sigui confia den mi palabranan tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta di nos TATA CELESTIAL.

Mateo 14:31 / Exodo 32:1

Autor: Omaira I.Rodriguez-Britten

LA FELICIDAD DE TU  
VIDA DEPENDE DE LA  
CALIDAD DE TUS  
PENSAMIENTOS

Marco Aurelio



# POSITIVE FOUNDATION TA PRESENTA E TREMENDO CONCIERTO DI GOSPEL 'ARUBA BO TA BENDICIONA' Diasabra dia 1 di april 2023

Oranjestad, 24 di maart 2023 – Positive Foundation ta presenta pa di cinco biaha e popular concierto di gospel 'Aruba Bo ta bendiciona' dia 1 di april proximo, pa 7'or di anochi den Cas di Cultura.

Glen Penniston, Presidente di Stichting Positive Foundation ta organisa e concierto di gospel aki cu e meta pa consentisa cada ciudadano con bendiciona nos ta pa biba riba e isla maraviyoso aki. E concierto ta pa comunidad en general y tambe specialmente pa nos adulonan mayor, pa nan tambe sinti cu Aruba ta aprecia y balora nan pa tur locual nan a nifica pa nos comunidad. Tur esaki ta posibel danki na e partnernan, Aruba Bank, A.T.A. La Cabana, Digicel, Zeerover, Varios Doctor Di Cas, A.I.B. Bank, ATCO, Grant Thornton, Setar, Do It Center, Total Finance, Total Services, Star Enterprice, Print Shop, High Performance, The Palm Tours, Kini Kini Tours, Tene Mi Man Medical Trans-

port y Power FM cu ta haci posibel pa e hendenan grandinan di varios cas di hende grandi tambe por presencia e concierto.

Stichting Positive Foundation a invita e biaha aki e popular cantantenan di cancionnan di gospel Juano Coco, Angelique Klooster di Corsou y for di Hulanda e cantante cu hopi hende ta pidi pe, Willy Rodriquez. Di Aruba nos tin nos conocido cantantenan Eltienne Yarzagaray, Luigi Cortes y Jerrino Bass. E famoso cantantenan lo presenta cancionnan gospel y inspirativo pa asina trece Fe y speranza cerca tur cu presencia e concierto aki.

Stichting Positive Foundation ta invita un y tur pa bin presencia e concierto di 'Aruba bo ta bendiciona' y sinti con bendiciona cada un di nos ta y nos isla ta na tur momento. E carchinan na balor di AWG 40,= ta na benta na Citgo Boulevard, Citgo Sta. Cruz, Ctigo Essoville y Gallo Rojo.

## Invitacion pa Diadomingo di Rama na Misa "Inmaculada Concepcion" Santa Cruz

Diadomingo, 2 di april ta Diadomingo di Rama, un fiesta Cristian cu ta cay riba e diadomingo prome cu Pasco di Resurreccion. Ariba Diadomingo di Rama ta conmemora entrada triunfal di Hesus na Herusalem y ta e comienso di Semana Santa. Riba e dia aki fielnan ta topa na misa pa ricibi rama bendiciona; nan ta sali den procesion bao canto di alegria. Cu e rama bendiciona nan ta traha un cruz pa colga na muraya na cas of pone den nan Bijbel. Pastor Jairo Maduro y Pader Jose M. Nava ta invita tur parokiano y nan famia, special muchanan cu ta bay ricibi nan Prome Santa Comunion y hobennan cu ta preparando pa nan Confirmacion pa uni den e celebracion di Diadomingo di Rama y topa 7:30 di mainta na Plaza

Curason Inmaculada di Maria pariba di misa, unda lo bendiciona tur e ramanan. Cu rama den man, fielnan lo sali den procesion. Lo pasa riba caminda grandi direccion pa e rotonde, bira na man drechi riba Caya G.F. Croes y na altura di Colegio San Hose ta bira y termina na entrada principal di misa.

Ta sigi cu Lectura di Pasion di Señor y celebracion Eucaristico cu Coro "Divino Niño". E siguiente celebracion Eucaristico ta 11:00 di mainta (na Spaño) y 6:30 atardi cu Lectura di Pasion di Señor. Yega rumannan den Cristo, pa hunto den Semana Santa, celebra e misterionan di Pasion y Morto di Cristo. Masha danki y cu Paz di Cristo sigi reina semper den boso curason.

## Hulpbestuurskantoren ta cera riba 27 maart 2023



ORANJESTAD - Hulpbestuurskantoren (HBK) ta informa di tur su clientenan cu nan ta cera riba dialuna 27 di maart 2023 en conexion cu continuacion di e software-upgrade den nan sistema di ICT.

Por favor tuma bo nota y nos ta ofrece nos disculpa pa cualkier inconveniencia cu esaki por causa.








8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

Easter Crossword



Across

- 2 - A mother duck keeps a close eye on her \_\_\_\_.
- 5 - Easter's month.
- 6 - Which came first, the chicken or the \_\_\_\_?
- 10 - A mother cow gives milk to her \_\_\_\_.
- 11 - Easter is always on this day of the week.
- 12 - Carry your Easter Eggs in a \_\_\_\_.
- 14 - The Easter \_\_\_\_ hops around the world and delivers presents.

Down

- 1 - April showers bring May \_\_\_\_.
- 2 - Cows give milk for \_\_\_\_ products.
- 3 - A mother hen watches over her baby \_\_\_\_.
- 4 - Easter's season.
- 7 - A baby \_\_\_\_ is called a kid.
- 8 - A baby sheep is called a \_\_\_\_.
- 9 - In the backyard, the kids are having an Easter Egg \_\_\_\_.
- 13 - The \_\_\_\_ warms the earth and brings light to the world.



*Lo único*

.....  
**IMPOSIBLE**  
.....



**AQUELLO**

*que no*

**INTENTAS**

